



# Lus Qhia Txog Tus Kab Mob COVID-19 rau Medi-Cal Cov Tswvcuab



## Cov koob tshuaj txhaj tiv thaiv kab mob COVID-19

- Medi-Cal cov tswvcuab tuaj yeem txais tau koob tshuaj txhaj tiv thaiv kab mob COVID-19 yam tsis tau them nqi.
- Koj pab tiv thaiv tau koj tus kheej thiab cov neeg uas nyob ib ncig ntawm koj thaum koj txais koob tshuaj txhaj tiv thaiv kab mob.
- Txhua tus neeg uas muaj noob nyoog 6 lub hli thiab laus dua txais tau koob tshuaj txhaj tiv thaiv kab mob COVID-19.
- Tom qab ob lub asthiv uas koj tau txais koob tshuaj txhaj tiv thaiv kab mob thib ob ntawm ob koob lossis ib koob tshuaj txhaj tiv thaiv kab mob uas tau txhaj ib zaug xwb ces qhov no txhais tau tias koj tau txais tagnrho cov koob tshuaj txhaj tiv thaiv kab mob. Tej zaum koj tus kws kho mob yuav pom zoo hais kom koj mus txais ib koob tshuaj txhaj txhawb zog tiv thaiv kab mob.



## Ntawm no yog ib co kev uas koj yuav mus nrhiav tau cov chaw uas nyob ze koj los txais koob tshuaj txhaj tiv thaiv kab mob COVID-19:

- Mus xyuas California's My Turn lub vevxais ntawm <https://myturn.ca.gov>.
- Hu rau lub chaw My Turn ntawm 833-422-4255.
- Hu rau koj tus kws kho mob los teem sijhawm mus txais koob tshuaj txhaj tiv thaiv kab mob.
- Mus xyuas ib lub tsev muag tshuaj.

## Ua raws li cov cai tsim los tiv thaiv kom nyob nyab xeeb thiaj li zam dhau kev sib kis ntawm tus kab mob.



Ua raws li cov lus qhia txog daim ntaub npog qhov ncauj qhov ntswg hauv koj lub cheeb nroog.



Ntxuav koj ob txhais tes.



Nyob hauv tsev yog tias koj muaj mob thiab zam kev nyob ze tej tus neeg uas ntxim li muaj mob.

## Kev kuaj seb puas muaj tus kab mob COVID-19 thiab kev pab kho

- Yog tias koj muaj cov tsos mob ntawm tus kab mob COVID-19, mus kuaj koj tus kheej sai li sai tau. Koj tuaj yeem xaj tau cov khoom kuaj kab mob COVID-19 yam pub dawb ntawm [www.COVIDtests.gov](http://www.COVIDtests.gov).
- Nws muaj ib qho kev pab cuam tshiab hu ua Kuaj los Kho (Test to Treat).
- Tam sim no cov tshuaj pab kho tus kab mob COVID-19 muaj nyob hauv koj tus kws kho mob chaw ua haujlwm, cov tsev muag tshuaj nyob hauv zog thiab cov chaw kho mob. Yog tias koj muaj cov tsos mob rau tus kab mob COVID-19 thiab kuaj tau tias kis tau tus kab mob lawm, koj tuaj yeem txais tau tshuaj los kho tam sim ntawd.

Kom paub ntxiv txog tus kab mob COVID-19, mus xyuas Lub Chaw Tiv Thaiv Kab Mob Thiab Pab Tswj Mob (Centers for Disease Control and Prevention; CDC, raws li sau hauv lus Askiv) lub vevxais ntawm [www.cdc.gov](http://www.cdc.gov).